

戊戌六君子遺集

六

蘇子瞻  
知學  
PDG

(85507)

集遺子君六戊戊

冊 六

究必印翻有所權版

丁巳年十二月初版  
中華民國二十六年六月國難後第一版

每部實價國幣壹元貳角  
外埠酌加運費匯費

發行者

商務印書館  
上海河南路

印刷所

商務印書館  
上海河南路

發行所

商務印書館  
上海及各埠

新學社  
PDG

白雲司藁

乙亥  
戊寅  
庚辰

雪虛聲堂詩鈔卷二

聞喜 楊深秀漪春甫

刑曹初直四首

隱囊團扇隻身孤  
暗祝今朝箇事無  
但得訟庭長寂寂  
不妨秋色滿平

燕

印匣銅封澀綠斑  
筆牀鉛黯蘸紅殷  
放衙枯坐空廳裏  
也抵浮生半日閒

閒

食罷公然事不煩  
轉因落寞怯黃昏  
官廚淨肉官倉米  
權當今朝敲菜根

根

伍伯持刑面色藍  
三曹抱冊目光眈  
幾回開口翻無語  
新婦遑當問拊

駮

贈家秋涓孝廉兄

儀徵太傅掌院日特為國史勦儒林我朝經學超前古一一臚列無湮

沈有時致書何東洲謂補經籍賴吉金更端乃及張烏齋碩舟碩儒折

服深謂阮文達與何碩舟航航晉男子箸述等身儼然死自後吾

鄉蓋多儒有兩魁儒近百里曲沃聞人曰衛一注經點史奮巨筆明眉

秀目飲十斛醺雞來前皆奴叱呂香美人蔚吾宗身如植鱗聲如鐘精

覈水地潛邱比博識金石亭林同少年束髮走代北宏州一志何處得

磨笄之山桑乾源千年文獻皆增色君前年前冬忽遇上計車出

門大笑走京國文章雖復解憎命斯人詎論通與塞五月不雨盛京塵

胡牀坐嘯若無人我時解衣槃礴羸風期暗與君子親讀君篆籀味君

詩卽此便當作吾師况為善長糾不逮兼與尙功補未知經史紛綸寄

玉塵每聞一義爲起舞郎署無由窺中祕似此便欲勝稽古就令季野  
自無言預決子雲有必傳更憶傳人號六福印在六白索居遠隔  
絳山煙噫哉聚散恆如此西去飛鴻東流水我今又欲出塞游奉手才  
踰兩月耳何當秋老木蘭歸一騎款段隨君西執經問字規廿載爲關  
蒙翳發天倪

東柴賦嘉茂才

名桂甫子芳明  
桂森有書名

見說而翁壽且康平生篆草老清蒼何人換帖遺紅友得爾工書替墨  
王漏屋無痕撫晉法磨崖有字仿秦章與君南望中條兩柏塔遙遙天  
一方

刑曹直宿讀秋湄詩及所撰西寧志輒題四首

吏散雲司燭影寒攜君詩卷共盤桓短歌九首俱奇絕明遠休矜行路

難

不其城下老經師餘事猶稱婢解詩今日誦君裙屐句知君侍史亦如

斯集 中 寄 王 經 履 諸 真 有 句 云 何 生 日

高柳安能溷柳城頻為善長訂遺經水 經 注 云 高 山 柳 故 陸 東 出 遠 塞 昔

遼 州 之 新 柳 城 也 於 此 是 柳 中 誤 有 辨 其 誤 即石州精撰延昌志見此猶當畏

後生北 音 鄉 廷 張 昌 石 州 地 形 先 生 撰

俎豆宏州鄉社尊不教遺漏到金源編詩秀野功輸此拜謝猶來月夜

魂世 俗 王 明 伊 人 滾 諸 論 公 外 觀 不 得 與 於 鄉 賢 先 達 祀 其 李 入 屏 山 賢 祠 甚 自 費 錢 五 峰

也始

題柴子芳明經雜臨諸帖卷子八首

某家書法費搜尋紙尾題明即度鍼棗木初雕銀錠本明窗一日幾回

臨  
帖 臨 閣

妙筆傳神得伯時圖來駒馬好山池西園雅集頻頻寫一瓣心香炷虎

兒  
圖 兩 雅 臨 集 米 帝 西 肥

館築犁邱縑素香空聞鸚鵡屬漁洋石庵題識覃溪跋不讓南人拜墨

皇  
繪 臨 卷 邢 方 周 香 及 敬 劉

燕子紅箋小楷書狡童狎客總相於請君珍重松枝筆只寫真山莫寫

渠  
山 臨 圖 王 帖 輝 擬

小說荒唐二度梅開場尤合賑然哈  
其 出 是 揚 曲 云 離 云 了 云 朝 甚 俗 位 兒 高 人

一紙莊書出竟似柴桑歸去來  
誤 開 二 度 梅 小

人居晉鄙德餘薰古墨流香佐苾芬得志何須重裂詔正書批勅答吾

君  
居 君 白 晉 鄙 曰 廣 晉 之 鄙 人 畫 所 故 里 也

老癖臨池似此稀麻牋斑管不停揮初時得髓人知否聖教胚胎定武肥

大字鋒芒不可鞘趨庭猶晒小兒曹從今莫論家雞事公子翩翩有鳳

毛

工次書亦

戲東賈小芸員外四首

屢索檳榔詫忽須更堪攜客擾郇廚知君故意邀吾輩自顯羅敷夫婿

殊

小芸員是外宅拉午往飯余岳辭

一弓搖曳兩絃吟不藉鈴聲得雨淋是遇寄語射洪陳正字能文何事

破胡琴

胡王琴向最工比部

莫問開頭與反唇兩人同此詈申申縱令人世均無恨劉四誰云可罵

人

小芸與劉至小揮山學



定子當筵撥恨聲燒槽玉手可憐生不緣金鳳銜花曲爭得詞人錄小

名

鳳歌  
題名  
習

滿洲同年常小軒屯田今總憲阜蔭坊先生猶子也總憲新遇  
喪明之痛小軒又將假歸熱河祖席口號三首送之實以留  
之云

餐  
中年謝傅近無歡玉樹生階差自寬爲告封胡休遠去碁前屐後勸加

容  
君家正有狄梁公只合寬心住藥籠未必當歸勝遠志勸君今日且從

天  
詞人例合作屯田柳岸新詞柳七填我道哥哥行不得當筵代唱鷓鴣

和賈小芸寓齋卽目原韵

兀坐蕉窗綠浸裾  
寓公應亦愛吾廬  
導行旌節栽花處  
倚讀瓶笙試茗  
餘十笏  
龕成詩界拓一罇  
香好睡魔祛  
何時許賃臬  
通廡願爲鈔書代  
小胥

墨牡丹障子爲王槐堂孝廉題

原題云仿新羅山人

名花豔冶儼環妃  
幾見身披壞色衣  
每笑山陰田水月  
墨丸塗染美人頤

如何便作解弢看  
滴粉搓酥幾日殘  
見說新羅工墨戲  
風姿絕世效顰難

自題所作畫

泉聲瀾瀾破平蕪  
大好嵐光澹欲無  
政有高人支脚坐  
一窗松影讀陰

符

送喬翰卿大令游天津就幕南皮八首錄三

兩鬢山光儼畫圖故人辭我賦驪駒輕舸滿載春明夢紅蓼香中到葛沽

東海揚帆大謝奇南皮較射五官宜歸來試解奚囊看定有鯨魚掣得時

少年便賦芙蓉鏡故里猶饒苜蓿盤怪底輕離安邑市天涯何處覓緒

肝

君即安邑人前兩  
年掌教本邑書院

虞部劉小山大兄見問詩法酒次成轉韵體答之

鷄裘貂帽水部郎遲我金尊琥珀光自踞胡牀誦小說精神不減東阿王燕都十月霜威冷美酒羊羔替茗茗轟飲兼聽作雄談劍光霍霍逼

人醒却憶髻齡局試時一堂雪戰鬪英姿嘉成師豐按十年至平學陽天江大夏彭子

人臨幼童凡五驟驚杜牧風流句賈時山杜英三拔坐愛王戎簡要詞王河津

十童解元時君家兄弟號聯璧呵凍書成片玉策君年十五歲命弟賤子

齒穉最末行談笑賦成日未夕諸君中十二歲幼也於才聲一日喧郡城夾穀

人看那得行吾輩小時俱盛氣祇能彼此一通名歸來十載不相見百

里而遙各異縣聞道諸君共一龍何甘自作不鳴雁今年同踏軟紅塵

面目依然肺腑親只此渾渾有雅致便應盡爾甕頭春為君畫作的盧

馬知是支公心愛者却更殷殷問作詩豈非搗抑多問寡嘗云此事有

元音勿論疾書與苦吟彈扣虛空成氣象銷融破碎得胸襟映發安能

泥處所蒼茫非必嘯儔侶鏗然天籟齊橫吹雋絕人寰漢樂府芳草生

池挹自然雜花發樹狀鮮妍清新不在添僧字禮郁豈因憶妓船果有

高懷餘遠眺脫喉便抵蘇門嘯若無奇氣寄長征吹角奚關邊塞調詩  
教良須如是觀爲君計者定何難此中况乃極淵博讀史兼能讀稗官  
古者多文便曰富非論鳴玉與衣繡何哉坐是掩文名里語徒稱財力  
厚願君已博更貫穿囊中原足買書錢千金散盡來還易一往不留此  
盛年噫嘻狂歌聊爾爾嶽崎歷落君應喜酒闌不復著言辭冷月窺窗  
吾醉矣

明末吾邑上邱村趙加爵字璘玉與弟加品乞食養病母母歿  
廬墓三年每飯必哭奠焉一時無識不識咸稱曰孝子趙四  
郎初父工醫術至是四郎嗣業益精泊闔氛日逼逃山中衆  
謂孝子所止必有神守護故隨之者常數百千人四郎獨部  
署飲食之卒不遇寇康熙中同里朱小晉司農與家少宰起

齋公合詞奏於朝乃得以巡檢官遼東孝子之名大噪天下  
矣崔子高學使居與比鄰爲作傳徐臥雲山人撫其事蹟繪  
爲圖凡七番國初諸老題詠者册厚蓋尺餘矣光緒初元其  
元孫翔鳳仲翹官中書出册重裝池之余爲徵海內名宿詩  
亦甚夥與原册埒厚仲翹仍丐余作乃逐七圖各系以詩詩  
亦無定格期於達意而已

負米謠

原第一圖曰負米百里養父母時戴十簪解耳

吁嗟復吁嗟阿孃在家劇田種麻麻子落滿地扶犁不任傷其臂吁嗟  
阿孃孃臂傷父醫良父在蒲反或解梁日日得米一囊兒負回兒臂尙  
強阿孃道兒扛不起但看階下兩黑蟻扛去一粒米比身大幾倍兒之  
負米正如此阿孃煮飯兒飢矣今日負歸二百里明日再往二百里

哺飯歌

原第二圖曰哺飯七年蓋孝之子凡七病云每

母齒危母臂痿母喚荷荷知母飢棗糕豆粥烹露葵扶母倚牀跪進之  
母思下咽苦伸脰羹飯蓬蓬氣饋留口口嚼碎送入喉生兒豈嫌兒口  
臭飢鼠窺壁雀噪檐垂涎半盞黃米泔捨汝殘瀋汝慢喫穴中老饕正  
自饑我亦不向黃花洞為母祈壽飯僧衆黃於此潤即在上邱公嘗南

挽車吟

原第三圖曰挽車寬食案乃祖乞傳錢中育母曰製母一既車病兒第

或推或挽或母歌之舞車前近為村母壽食

啞聲來四椎輪雙條繩迹碾綠春阿弟力推阿兄挽牛衣嚴覆龍鍾  
人柳陰踈地朝未歇麗旭臚臚射皓髮洮河水碧冷淘時沃國煙清寒  
食節隱麟震耳集童媪糴團炊餅擲多少嚼餘密裹衣上絮馱去深藏  
窠邊草晚霞絢豔照村明夾路雜花引歸程轆轤轉入柿林去掃葉共

炊仁里鯖

守窰詞

無四門母臥後兄弟共守門窰待典史巡夜見家之惟一息不

使已備庚一須刀

奉母臥破窰曲突而厚土突曲能障風土厚能遮雨窰邊兔絲子宛轉  
不離根探供阿母睡兄弟左右蹲兄持汲水瓢弟持爇火篝贈刀作守  
衛賢哉此督郵阿母告兩兒弄刀莫傷手竟夜循刀環不敢按以拇

蒿廬哀

原第三廬墓曰蒿廬拜墓也

灼灼東升日照我華表顛憶昔親闈在朝廚起炊煙蒸餅菲屋中韭卵  
佐芳鮮祝哽餘幾日杳杳歸窮泉蚯蚓竊酒漿烏鵲銜紙錢痛哭當閔  
絕墳草青如氈嗚乎兒在此一廬年復年勿迴長者車蒿萊森山阡勿  
賜仁者粟禾黍繞墓田寄言供職者願迨母也天



藥肆銘

原第  
母服闋而嗣父藥肆時親

大藥不煮內則惟經菽水捐椀乃理侵苔闕爾藥肆畫像徼靈澤筍挺  
牖陔蘭緝楹十笏閒敞二簋豐盈垂簾言孝刀圭佐馨願人父母千載  
長生受茲元炁以壽以康

舉孝詩

原第  
氏俞舉

涑水出黍葭谷至周陽侯城南合於洮其水清絕滔滔其人忠烈如毋  
邱鎮東乃在聞喜之近郊毋邱之里曰上邱村流風千古存忠孝非二  
致國初趙子以孝聞爾時知縣王景皋盧士魁鄉先生曰楊永寧朱裴  
此人皆不輕許可獨於趙子動其懷生孝死孝一身該士民罔不推二  
公奏之天子天子曰俞哉嘉爾行其試爾才巡檢遼海敷政無乖鄉有  
畫師徐臥雲七幅繪其真鄰有進士崔子高一傳具其文題詩作頌海

內紛至今披讀若有神嗚乎趙子信有神將何以答我士民宜隱佑其  
子若孫俱爲孝行人毋邱山兮高入雲涑之水白石粼粼陵谷變遷仁  
里永春

自題所作畫三首

折角烏巾掃塔衣攜書盡日坐苔磯年來奇字無人問山鎖空亭碧四

園

曾聞福地有奇書可欲移家畫裏居爲報此中人語道瑯環不許俗人

租

花園亭子樹遮山一卷橫披晚晚間十載塵中牛馬走胸襟正不減荆

關

湖南宜章宋蘅少好劍術里有邪教講堂不逞之徒聚焉或以

藥術迷里中兒取兒睛衝怒糾里人毀其堂互有殲者教徒  
賄官名捕衝衝亡至黔中又念老母弱妹恐陷獄乃陰歸省  
而捕者數百圍其宅衝孤劍轉鬪出威勇關卒無敢逼者事  
既解繪仗劍入關出關二圖志其痛其同邑吳醉琴農部與  
余善代爲索題乃各系以詩

鬼子何敢爾壯士有如此紫氣纏客星劍在身不死衝開一丸泥倒提  
三尺水看君倭鐵刀正似鉛刀耳卻笑張儉弱望門便投止

右入關圖

若耶水淬赤堇英未許世間有不平千里攜來鬼夜哭十年礮出月失  
明有客黔中丁窘蹙得君何敢呼君僕同歸爲揭廣柳車此去何須短  
後服吳鉤一日飛著胸骨肉相逢此夜中霜刃三更躍出匣咫尺垣外

有伏戎愛絲縷縷一揮斷鬼火熒熒四面散山深月黑拔來看生死天  
涯終結伴懸崖矗立天西南對插一雙不見鐔密箐森排嶺上下橫曠  
十萬不能函大劍小劍威關下彼之劍多吾劍寡仗君膽氣無風鶴得  
君尻輪有神馬君是何年鑄得成駢誅魍魎血花腥當關試一摩挲否  
不信旄頭無隕星

右出關圖

贈家秋湄學博大兄八首錄四

蹄涔縈道周瀲灩發繁響溟漲包洪纖無聲自決滌怪彼片長徒逢人  
便技癢盡罄乃中藏量之得孟盜不辭北海笑仍詡西山爽惟君有若  
無胸次巨川廣與人故無爭依然重名享寄言名子者渾湛學王昶  
倚劍望燕臺此中忽鬱塞駿骨何時無昭王不易得我昔乘一馬方瞳

拚圓幣金絡玉連錢千里直瞬息官路野花紫長城邊月黑自愛汗血  
姿不作驕嘶色頗欲持贈人無人有馬癖乃至彊梧年丁卯也遂入綠林  
賊以此舉似君君亦應嘖喏吾儕老櫪下誰肯走南北

南園有一樹理堅而心赤實雖充筐筥身奈多棘刺北園有一樹夭夭  
粲花紅既以薦嘉果又以蔭清風主人將移植何者宜庭中謂棗實惡  
木謂桃乃佳叢匪主人擯汝實汝自求擯誰遣草木姿而外具芒刃我  
好面折人人益不相信君但微感人受者自無愠嗚乎我師君久久當  
有進

青陽二三月微服游平康女兒皆春態三五自相將前者盤龍髻後者  
墮馬妝朱櫻發豔曲玉筍弄清商娟娟秋水外有女蛾眉長上無金鈿  
釵下無羅衣裳坐使深閨秀不如大道倡此語不忍道道之令君傷

題黃太守采芝圖八首錄四

代

現身真在此山中，莫莫歌成唱未終。  
角綺東園都不似，黃公只是夏黃公。

君家舊有謝公墩

謝公墩

拂拂庭階蘭玉存，寄語逶迤深谷者。  
休疑此

草本無根

金光餐罷壽齊天，天與名儒駐大年。  
自當陸家杞菊喫，不須謗道是神

仙

南方草木有專書，百卉俱詳此品無。  
我欲親從高士問，九莖三秀狀何如。

中秋對月有懷楊大篤蔚州喬八駿保安州

美人隔秋水，遙夜同月明。  
桂樹散仙馥，桑乾流客情。  
多文騰虎采，晚達

遲鴻聲何日捉刀手  
驚刀親薦腥

和陳小農計部秋晚元韵

殘陽忽西匿城市若疎林  
積雨將寒至停雲向夜深  
嶰傾高士酒雁度故人琴  
有客孤鐙裏懷歸千里心

和許韵堂同年秋懷元韵二首

一往深情喚奈何非關薤露與陽阿  
馨香遠路誰能致哀感中年頃已多  
不忿浮名消福盡更堪沈痼帶秋過  
日來新得排愁法自唱曹公對酒歌

露坐淒清對月明空堂容易又三更  
短檠張夜雙魚訊長笛橫秋一雁聲  
屠販亦侯慚術誤釣游有侶覺官輕  
雄飛雌伏尋常事戒向人間號善鳴

無題

當日鳴聲徹九臯  
稻梁分得餉寒號  
如今一一飛天鶴  
非復氈氈舊羽毛

出塞行

大螺業業刺晴濛  
高下榭隱長城紅  
女牆繚曲關勢雄  
輦路分峙九驥宮  
一徑行人韉覆絨  
書生善騎有軍容  
花榆鞍子懸雕弓  
鞭絲劍匣意雍雍  
自笑頻年度虛龍  
眼中落落誰適從  
獨念別業在關東  
先人耕牧稱素封  
泊余頭腦殊冬烘  
澤有牛羊術未工  
好讀已自得途窮  
遠宦更將減產空  
今又遇訟訟終凶  
恥爭魑魅安得聾  
誓將解組出蠓蟪  
短衣射獵罄椎峰

在層巒之上  
熱河水經  
注云武列  
峻可高百餘  
切下此蝦菜

香與遼海同山間  
榛栗欲成叢名場  
熱客可憐蟲速去  
勿復溷乃公



寄秋湄蔚州志局二首

塞垣西望暮天青，昂畢分中見客星。晉乘藩籬先志代，案蔚州古代國史才根

柢在窮經孰齊環，極無雙品謂公體也。此直行山弟幾陞郡，國志兼耆舊

傳居然盡出子雲亭。

邇來書體半冬烘，君志宏州迥不同。君前聖撰四庫間人表古今班固例

水詳西北酈元功，剗苔寺墓碑痕綠。削藁衙齋燭影紅，此日重膺書局

寄勉求文筆，婉寒松。蔚州舊志乃故云

送許韵堂南歸二首

三年米價貴長安，一日西風返故山。大好龜莼龍鶴菜，垂虹亭下勸加

餐。

風來北固剪江時，舴艋聲中鬢欲絲。今日重吟懷古句，青山鬱鬱佛狸

詞

君前古詩有北園  
在工

### 鞠歌行四首

醉酒金臺下淚落心慘傷  
易求惟昌國難得乃昭王  
霸圖一例滔滔水  
東望棘城西樓桑  
古人已矣傷春日  
歲歲薊邱春草長  
意者燕市今猶  
有狗屠願從痛飲擊劍去  
不願三十尙爲儒

吾昔年十二號爲千里駒  
常思籥足青雲上  
豈有下民敢侮予  
大來漸  
漸更事久忽復嗒然喪  
其耦劍敵一人書記姓  
所箸只堪覆醬瓿  
如此  
頭顛欲何爲祇應閉戶學  
雌守嗚乎當時神駿姿  
豈意今成牛馬走  
曳裾富人堂金多欲相役  
結客少年場酒酣動遭叱  
至竟悠悠誰可親  
憤極歸家自休息  
秋樹根頭日醉哦  
眉宇高寒照空碧  
二八文婢氣如  
蘭笑倚吟聲吹玉笛  
多謝二豪莫相輕  
如此高韻不易得

久宦減兄產遠游廢父書僕本農家子何必懷此都拔刀斫柱誓歸去  
求食不爭鵝與鶩身後名與身外事蹀躞十年被爾誤陸沈金馬門不  
異蝨處禪念此世間無窮已中夜漣漣不能言

灤陽懷人詩十五首

經義羣推非大春誰因學富念官貧儀真悔識身齋晚

阮文滄歌見

與何子貞齊先牛頭舟也香宰相胡應失此人

右廣寧編秋

清遠吳興代有人難將花草比精神君詩勝處君能道政似藤蕪冒雨

春

右德濟許酌堂孝廉德裕孝廉舊有  
人題潘雁向關去春運機無冒雨生句

太史昔時在北邊驪歌送我杏花天

游余王申春白律熱河之西不覺時泣未也第

今秋重過銷魂處一讀君詩一黯然

植右太綱史星桂元

邊生經笥亦詩囊北曲悲歌慨以慷鶴子飛天羣雀寂不容凡鳥說文

章右有任 擬邱北邊 齊竹橫村 吹水部 保經

記得旗亭酒一瓢君家兄弟阿龍超而今怱悵南雲暮不見揚州阜莢

橋右有 臨縣 君張 居廷 揚州 外

夢裏同填雙豆詞碧雲箋紙界烏絲君工 日碧 雲詞 館白 雲製不知秦七與黃九

甚事關人日日思右夏 水部 瑣小

雜詩風格自堂堂不著心源傍景陽莫問同銜杯酒未談君便覺齒生

香右 君榮 近城 陳小 詩戲 十部 章 綰

綺語禪心兩兩兼病中參徹首楞嚴君海 殿中 要從 義余諸君聽唱黃金縷何

減瞿夷花笑拈右 近仁 製和 標蔡 魁龍 花臣 調比 備部 余世 齊佐 之

具有淵源虔禮譜羌無故實子荆詩才名翻被書名掩誰見兩零秋草

時右 廟水 部陵 賦孫 秀石

居貧特立士無雙  
需次三吳文獻邦  
但祝見聞皆第一  
莫同楓落冷吳

江

右 稱 大安 命 邑 驗 詩 驗

心香一瓣在停雲  
楷法精能迴不羣  
濯濯王恭春月柳  
君書秀絕亦如

君

右 比 太 部 平 萬 劉 啟 小

落落難逢笑口開  
詩成何處著塵埃  
寄聲當世中郎道  
貌寢公孫有異

才

右 父 太 部 谷 王 純 梓

嶽色湖南萬里青  
焦桐長與弔湘靈  
香蘭微笑紅泉咽  
落落琴心正爾

馨

右 宜 部 草 雙 吳 梁 靜

翩翩公子著文聲  
三絕居然一座傾  
我似并州劉越石  
悲涼萬緒念盧

生

右 初 天 秀 才 津 炳 虛 麟 梅

楷法鷗波鬪筆姿  
辱書常道欲相師  
哀哉嘔出心肝後  
猶據烏皮寫拙

雪虛聲堂詩鈔

卷二

詩

右宜  
於去  
年以  
略上  
舍棟

自題所作畫

深林疊巘隱牛宮  
略約彎環處處通  
榭葉冷翻千嶂  
溜稻花香點一川  
風魚龍捲水江翻白  
燕雀穿雲日漏紅  
聞道故園春不雨  
聊將潑墨補天功

題畫

虛堂寂無人恐是王官谷  
春盡不歸山竹柏爲誰綠

除夕感懷四首

又送殘冬去飄零尙客中  
鏡花舊年似爆竹故鄉同壯志  
星猶燦牢愁雪未融  
春風無不到真見幾英雄

虛生三十歲自命竟何如  
過慮乾坤大空談日月除  
哀鴻中澤集異鳥

國門居無用成迂闊徒矜萬卷書

黔首紛溝壑蒼蒼意未休舟空輸粟國轍涸監河侯耗鬼鐙難照芳春  
價不酬遙憐焚柏葉尙欲辟鴝鷓

宦情真魯酒才筆尙齊紈往事千般悔今宵五字安祭詩權作佛卜竈  
不因官痛飲高歌意人生貴自寬

春暮得秋湄太原書卻寄

美人在雁門寄我一端綺春風吹我愁忽滿晉祠水晉祠春水綠沄沄  
萬樹桃花粲錦雲長亭短亭一百五茅龍一夜度吟魂卻從天際路  
迤雲中君月映羣帝珮風搖列仙裙紅尾小鳳臆語我使我手搢碧玉  
稱外臣臣家赤野無春草麥苗桑葉青欲了往日膏腴比龍鱗卽今灼  
裂成龜兆臣謹頓首伏俯私告帝旁玉女何不排除青雲撒白雨使我士

女前歌而後舞帝乃噓萬里之天風送我太行之西洪河之東鯨波百丈懸甕寺羊腸九折銅鞮宮美人幽居怨瑤瑟明暎垂淚雙玉紅告我春欲盡寂寞無花叢臺貽之帝子藐姑射之神人赤豹雲駟日六簿屯膏不下愁吾民美人美人爾莫怨三十六帝余親見無須膜拜祝香花會有唾咳激竹箭君不聞唐祠峩峩晉水曲自昔能爲一方福若令羣黎靡子遺至今誰爲薦椒菊還君錦繡段持作荒年穀不用蓬首怨春歸行看夏雨生衆綠

和陳小農海淀二首元韻

數枝風柳曳殘鴉輦路今無迎輦花見說穀皇臨御日不耕宮道望官家

金源遺址屬吾清稗史流傳姑妄聽落日晾鷹臺下望更無人放海東



青

再和陳小農海淀元韵

玉顏散盡剩寒鴉  
寥落宮中臨砌花  
壞殿不修誰識得  
我朝恭儉足傳家

壞道哀湍滿耳清  
行人掩泣不堪聽  
玉華宮畔吟詩老  
悽絕陰房鬼火青

陳小農三索和海淀元韵

畏吾村畔起昏鴉  
耶律墳前見野花  
畢竟天心留有待  
五雲晴護帝王家

先皇盛德契穆清  
工事垂成諫卽聽  
今日工人猶感泣  
東陵歲歲哭冬青

送梁曦初侍御出守興化二首

代

閩疆要郡簡名賢不比潮陽路八千一鶴有緣翔碧海百蠻無瘴翳青  
天建蘭香裏詩龜寄諫草焚餘賈舶傳聞道吏民齊額手福星來處兆  
豐年

蚤雨霏霏趁布颿海明如鏡鑿冰銜八閩遙望長安北二曲應知吾道

南

公爲  
生歷  
生高  
足路  
問

美政不將茶樹拔高懷豈爲荔支饑只餘桃李公門

下坐慣春風別不堪

祁子禾侍郎招祀顧亭林先生因囑繪顧祠雅集圖慨然有作

宣武城南慈仁寺鬱鬱雙松發寒翠西南偏有亭林祠壽陽侍郎董祀  
事招集諸君作文游飲福不爲無名醉使我爲繪雅集圖圖成再拜更  
題字有明中葉儒風陋學術無用叢話評高者盛傳姚江衣下者競樹

竟陵幟一二不學求舉者附會元鑑務制義亭林挺挺生東吳其出愈  
晚學愈粹萬卷窮探古聖心諸陵偏灑逸民淚讐家任作葉方恆門生  
肯伏錢謙益南冠猶是莊烈臣布衣不負貞孝志稱曰王佐曰經神未  
必盡合先生意國朝蔚蔚盛儒林筆路籃縷功誰比往者吾鄉身齋老  
排纂年譜豁蒙翳生晉 擢 先生石 年州 贈先公家文端實倡首釀金共買十弓地  
建祠於今三十年年年不廢上丁祭公也傳經若韋平未愧漢學一綫  
寄賤子舉觴貢一言邇者吾晉學稍弊詩書既多束高閣文章頗似飾  
鞶悅青主匪莪復何人先歸 生曲 傳 先生 山 曲 沃 斷 交恐難再迴高人轡迤西  
更有潛邱祠聞此語者愈生悲惟願公及我同人益倡實學迴風氣勿  
令枵腹談經徒濫廁國家春秋試亭林先生如有靈歆茲丹誠庶一至

下第綺感八首

淡粉樓頭明燼姿一回靚面一回癡亦非太上忘情者難得相逢未嫁  
時判藥染黃終是苦拗蓮作寸轉多絲分明十二巫峰近矜護朝雲到  
反遲

林風何意落平康低首羞爲時世妝拾李從知兒命苦食瓜那得我心  
涼微波爾果通辭好永晝誰教惹恨長畢竟鳴鳴佻巧甚終朝只會妬  
鴛鴦

更比黃花瘦幾多無言脈脈意如何遲來常帶翩跹韻早嫁難同捉搦  
歌但使情深南浦碧未妨計拙北山羅秋霖腹疾誰排遣只合寬胸代  
按摩

深顰淺笑吐愁難軟語喁喁夜欲闌交甫逢仙原是夢周郎作壻詎爲  
歡久拚眉黛雙彎秀剩有腰圍一尺寬如此精神如此地好花無語遣

誰看

嫋嫋風前弱柳腰春寒無力曳生綃癡情每欲窺眉曲莊語何緣暈臉  
潮扇葉日遮黃子影鬢花天助白人嬌誰憐聖筭三更卜半穗旂檀迄  
不消

滴粉按酥出意新妝成自訝十分春門前桐樹惟吾子核裏桃瓢少別  
人車走雷聲終自去杯邀月影欲誰親鷓鷯飛過真堪羨碧海青天共  
一身

邇來禪榻學維摩黯黯春愁懨益多當日蕭郎成陌路明年織女隔天  
河誰憐有口銜碑石自誓無心起井波回首前塵成底事蒼茫獨唱悽  
儂歌

月過中秋迄不圓誰將離恨作遙天仙  
人下嫁終成別主簿爲媒詎有

緣素鞵難諧蒲子履青衫  
悔遇荻花船涼宵獨誦湘纍賦  
猶道他人忧我先

邊拙存兄見示秋雨夜話之作次韵書懷

淒風涼雨聳吟魂讀徹離騷眼  
不昏鐙滅恥爭山鬼照詩清擬配水仙  
尊已捐秋扇仍揮塵盡典春衣且曝禪  
爲問候蟲終夜語欲將哀怨向誰論

世情翻覆日爲新米貴長安孰贈困冰似  
頭銜留故我銅成面具向何人  
庚寅級佩芳招忌丁卯貪書讀致貧  
聞道今秋稍有熟兒童拍手望

歸輪

米韵  
原唱  
用輪  
字此  
王粹  
甫和

再疊前韵送令弟竹潭同年改官浙巖

壯懷最恥賦銷魂百幅蒲懸海月昏  
破浪方酬豪士願看山未覺上官

尊客囊羞澀書爲枕公廨蕭條屋作禪似此襟期何處得升沈後事不須論

葛嶺蘇堤景物新公餘詩膽尙輪囷簡書藏袖思名父補謂石驛先生方伯鹽鐵持籌得士人一棹藕紅宜客泛半齋茄紫耐官貧春明門外天涯路行矣風波慎畫輪

有懷兩夜

半榻維摩病榻觸秋宵雨嗟我懷故人蕭寥知何處箸書蚤蝨叢飢來字難煮舍旃諸君子嘔血終何補兀坐秋樹根寂寞松枝塵何如酒滿瓢相賭作危語願影客衣單寒逼鐙一黍開門聽履聲秋氣滿平楚

懷舊

結習從來喜論文窮途何意復離羣阮生一掬英雄淚日向長空灑碧

雲

題常小軒庶常所藏歐陽九成宮醴泉銘

有引

初唐人正書信本第一信本書醴泉銘第一昔人稱草裏驚蛇雲間  
電發森森若武庫矛戟者殊未盡其妙予嘗謂正如郭河陽界畫樓  
閣纖微合度了無安排庶爲近之此本文氏停雲館故物又歸煦齋  
相國藏弄定爲宋元間氈蠟正不在宮字左捺點僞而豎真也至題  
名王良常沈子大諸人並是惡札而行間朱圈彙彙似亦此人所爲  
急覓良工洗去重加裝池乃稱耳昔唐彥猷得化度塔銘數行精思  
學之遂以名世矧吾小軒旣以工書更銳志臨此鬱珠黍羅界豈遠  
哉可憲之至作詩張之

勃海甲觀推醴泉良工蟬翼妙椎氈墨王曾記歸文壁鼻祖安知出李



璇此册原無肥本相君家合得指頭禪能書萬遍胝生手豈讓蘭臺得  
髓全

外姑李母杜太孺人壽詩

九正月  
日 初

往日牽絲繡幕前左家嬌女小偏憐  
壻鄉原自慚潘岳子舍新來有鄭  
虔老福無煩封大國芳春正好在斜川  
一杯持祝人長健歲歲慈雲照  
綺筵

新年共拜水仙王似此神明合壽康  
大練裁衣留後福小輿推板趁春  
陽女同德曜隨春廡兒嗣宣文主講  
堂獨有金龜京邸壻慚無長物佐  
瑤觴

雪虛聲堂詩鈔卷二終

并垣皋比集

壬辛  
午巳

雪虛聲堂詩鈔卷三

聞喜 楊深秀漪春甫

題馮魯川廉訪所藏米芾蕪湖縣學記爲武養齋大令作

老顛潔癖深祭裳滌藻火想其俊逸情禮法無一可何意仍書學宮碑  
天馬能教羈勒施蛇驚電發不可狀鳳泊雲紛信有之蕪湖月皎硯山  
潔一刻揮成八尺碣放衙脫帽踞胡牀正對石兄矜奇絕代州廉訪有  
拓本滿紙糾蟠見春蚓可憐墨寶易朝餐仍似黃金擲虛牝君今何處  
得此書莫令淚滴玉蟾蜍

題成哲親王雜臨諸帖七首爲養齋大令作

烏絲滿冊總成闌算子連行妙染翰鳳朮龍芝天挺秀不教專美有紅

蘭

蘭前芝人問不成不可多得

中郎漢法散如煙太傅新工勸進箋小楷羣誇宣示帖爭堪斌媚敵孫

權宣紙  
示鐘  
帖類

俗書姿媚一生多只合山陰換白鷺不藉邯鄲黃絹筆可能葩豔似曹

娥曹臨王  
碑鐘  
之

春松秋菊靚風姿想見桃根侍硯時僂倖佳人能再得九行先出四行

隨神臨  
十王  
三歐  
行之  
洛

道德黃庭蹟已微重聞貴主寫靈飛鍾生秀骨嫋嫋甚合被僂人一品

衣靈臨  
飛鐘  
經研  
京

並世定文曹與楊戲鴻書法亦堂堂文人知己千秋事何意君家愛晚

香植臨  
與董  
揚其  
修品  
香曹

帝子揮毫雅甚都何緣行押出奴書璽螭折角琴焦尾未礙人間異寶

儲  
知應何款行真書而款若為甚也

題英煦齋相國所刻劉文清帖為養齋大令作

東武老子工執筆法徹中邊類石密龍保貽留地黃方

地曰黃王黃漢大令

鼠須

磐礪天香室

深全道乃書轉書曰天香

紋裂大龜兆庚庚體結靈蛇珠乙乙小

章似纂汪水雲

水公處有居士曰

大字頗同蘇玉局世上沾丐脚汗人慎莫近

前討奴叱

壽王遐舉先生

八正月朔

先生汪汪千頃波聞道最早讀書多寔事恆被儒者服寤言永矢碩人  
邁我從髻鬢應郡試高名震耳鼓靈鼉同時雖見大人賦異縣其如飲  
馬歌見說先生春官捷射策獨對金鑿坡一官大似因人授武庫森嚴  
富矛戈爾時才傑萃帝里海曲之許道州何壽陽代郡泊平定并州男

子無嬖娶一一忘年似孔禰日攜樽酒往煙蘿先生此時飲一石手提  
松枝口懸河訓故纍纍有深細形聲鑿鑿無偏頗日暮詩成新月上半  
天霞綺綉纖蛾得句西山秋氣爽談經東魯春風和十載不遷細事耳  
頭童齒喏顏常醜繫我計偕走京國已聞歸山事養疴衷儀徵履道

宅

阮先生

在

京

寓

緬望真

予安樂窩

主

講

白

安

邑

故

居

也

往歲假歸省親串

始見君子賦菁莪豬肝雖貴體不憊貂蟬既脫冠仍峩湘鄉宮保好賢  
切欽仰高風設禮羅文獻百年書局啟雲山千里蒲輪過遠溯虞夏近  
昭代南盡汾洮北虜沱此邦人地歸述作析疑舉要謁小苛黃鐘大呂  
噌吰響不遺下里與陽阿何意寡陋如賤子亦蒙獎借少譴訶折楮教  
畫新距度剗苔俾識古隸蝌經史大義駢雲集挑鐙危坐紛縷醜孟陬  
之月皇覽揆朱顏粲粲鬢皤皤占書古重八日穀典禮今逢九門儼弱

孫戲秉阿爺笏侍史深護進士鞞藹藹門生通家子鏘鏘佩玉鳴相摩  
或羨仙服金光草或稱鳳食玉山禾或引大夫賜鳩杖或祝老人處雞  
窠賤子舉觴貢一言古來大師壽不磨桓子五更榮何極伏生九旬語  
無訛矧乃吾鄉諸老後應遺一老獨委蛇孔林之檜葛廟柏森森千古  
無改柯吾晉尙留漢槐古如見林宗有道科喬木賢人同大耋養生安  
問郭橐駝永爲人倫作楷式詎曰將壽補蹉跎晉祠碧流斜川似歲歲  
稱觴舞婆娑

外姑杜太孺人三周禫祭令嗣製屏索詩擬垂家範內子亦寄  
書代乞因案來狀件繫之得截句十四首

分明小女嫁黔婁射雉曾非賈大夫慚愧升堂初拜母蒙稱快壻比周  
瑜

門第城南尺五天身傳禮法自笄年林風閨秀均無愧卻恨今無中壘

編登邑人志列女前門年已

肩邊櫻額梅花粧點燕支未足誇異相天昭貞白性腳心生帶守宮

砂異相來是狀心誠如人確粒有

父亡親手納珠含母老終身供脆甘五女尤推中女孝倉公何必羨生

男第三人也父葬無父子有五女經其力

鳩遭婦逐竟無歸雞遇牝晨尤有威每代仲嗜憐故伯不妨桓婦送新

衣出免居於外與明不軒體之隔兄每其衣送之

常為前女繡腰襦肯使衣中絮有蘆翻笑杜家親母女女衣顛倒補天

吳編之人惡勸來從時前室有道女甫周也

寇來逃竄死如麻獨議嬰城靜不譁古有夫人城守者保全何翅萬人



家死處於豐家安尚丑歸尋死逆於返野境也迢窳守遇害者肯出城竟謂以無虞從有城人可守雖皆破得破

全保

老人痿憊處窠雞日歛雙眉舉腕齊絕似宣王風痺發躬親執爨有賢

妻矣丁猶卯括夏掘外數男月明衣軒不露解得帶而疾種之人老

螟蛉藉得慰幽憂卵翼兼為賦好迷寡婦孤兒仍一脈不同牽合自三

州為從金孫安婦妻郭婦居仲無侍郭子問又從居曾孫金安少孤亦無為妻繼人

荒年閉糴正紛紜升斗尋常孰肯分教子麥舟與戚友婦人中有范希

文福光人補捐丁賺丑戚戊寅實大清者甚人相金

儒俠分途孰是非攻書習射代弦韋豈望生兒為將相兩男聊抵尹翁

歸川習人射命曰此各雨傳訂讀書之次方也

教子詩書勸母餐廣文清福得來難敬兒妻夢全身熱那解令兒作冷

雪虛聲堂詩鈔

卷三

官開隔人能事親教子足矣汀日復今登就必望大官志也清

皚白辛勤到外孫梳頭剪蚤總蒙恩癡兒睡醒啼雙下猶有桃花齷面

痕

三年歲月白駒馳日代閨人念母儀我似閒居潘騎省每懷東武有餘

思

母舅劉公訃至云臨終哭念余也泣作武生月

吾母儀容記不明典型今復喪同生文傳家法偏能武貧得人心只積

誠道洽庚桑千戶祝患除周處一鄉清有德以辨臨終兒女當前侍獨

望并垣念外甥

哭衛莊游學博

曲沃衛莊游與余投分十年所作囊室經譯余一一親見屬草稿時

獨時人道其狂詭余所未覩歲丁丑湘鄉宮保延主金石志局家秋  
涓學博兄既婉辭余竟未至君之狂名乃愈噪於茲時矣一官虛鹿  
塊然遂死故人酸楚知復何言

積雨空階五月寒思君生世倍洩瀾獎成後輩翻招謗瞪視中丞屢見  
寬磊塊填胸增病易文章糊口矯廉難涼宵獨檢當時札字字分明不  
忍看

鵬集梟鳴覺不祥少微真已失光芒賣文金到多仍盡使酒名成醒亦  
狂舊羨青氈歎福薄新亡碧玉竟神傷以君  
原題人  
新卅  
亡氏戢棺何日能歸去  
麥飯香花冷署涼

擬何大復明月篇

有序

夫歌行之製原於樂府心聲綺靡斯歌喉渺綿故自魏帝燕歌晉人

白紵庾子山之折柳盧子行之聽蟬斯並清便婉轉乃唐初王楊盧  
駱之權輿也若夫鮑明遠之路難

中行只稱明遠詩

太白師其俊逸斛

律金之敕勒裕之歎其英雄一則才人下位抒感慨而擊唾壺一則  
老將窮邊唱橫吹而答盛粟杜子美一生歌行與此貌異神似間不  
盡似要於四子者不似也是則身際其變不期而成變徵之聲矣明  
信陽何景明仲默與李獻吉並世大名獻吉專學少陵仲默暇日乃  
獨有意於四子者之所爲選聲練色作爲明月篇雖至今代新城王  
文簡長洲沈文愨皆極稱之以爲妙悟從天矣僕聞士衡文采乃廢  
蘇李之篇康樂風流徧撰曹劉之體矧四子者杜老所謂江河萬古  
而可廢乎閒亦效作一首不敢顯然附於四子姑於仲默執竊比之  
義焉亦題曰明月篇從其朔也

長安月皎皎出雲端千門萬戶凝秋碧五劇三條蕩夜寒寒生白玉宇  
光汎黃金闕觚棱花隱望猶迷輦路草生芳未歇觚棱輦路月蟬聯天  
上今宵是何年鬱鬱九霄偏燦爛迢迢千里共嬋娟戚里豪情飛羽蓋  
宮人細語炷龍涎梁家畫閣金流甃趙后文窗玉疊錢畫閣文窗帷半  
捲金樽綺席鐙初翦正見酒人著接羅如聞園客彈獨繭長堤楊柳未  
藏烏小院芙蓉猶吠犬笛裏關山怨別離樓頭河漢望清淺別有倡家  
花滿蹊人圓如月正雙栖光搖銀掠妝初罷色見縑裙舞乍低誓作生  
生比翼鳥厭聞膈膈長鳴雞長看錦帳千金笑邢記璇閨雙玉啼閨人  
啼徹董嬌嬈戍客長隨霍嫫姚幽恨萬千看破鏡涼宵三五念征袍卻  
從舍北聞礎杵未識遼西認斗杓白草牛羊君夢遠黃蘆鴻雁妾心勞  
黃蘆白草邊亭見佳蕙崇蘭官閣絢關門柳色已經霜禁鑿花林正如

靄草綠螢飛長信門葉黃蟬噪未央殿秦宮怨女卷羅衣漢代娃好賦  
紈扇紈扇年年捐素秋一輪皓月幾時休鳳闕偏塗雲母粉龍宮高捧  
水精毬齊捲蒜簾臨鏡閣仍雕瓜瓣拜鍼樓織女隔河終有耦嫦娥廣  
殿竟無儔借問嫦娥若爲心青天碧海冷誰禁盛年迅似東流水良夜  
珍如南土金旅人紫陌玩桂魄思婦紅閨念藁礎歸去來計已審我心  
如醉不關飲直將喜字寫如環莫令回文織成錦月明似錦圓似環應  
照離人雙解顏胡麻飯好須先種叢桂花開正滿山

題吳道子畫佛像幀

畫在太原顯慶寺今亡

皇覺真人統天紀薩迦思巴西北徙手裂輿圖王諸男三男曰欄分參  
觜中朝有詔賜高僧道場無遮薦皇妣崇善古剎城東偏素車白馬王  
來止特頒佛像招提中天龍八部大歡喜誰能如許出神奇云是前輩

吳道子妙湛總持三世尊圓融無漏兩大士健連尊者橫大目菩提長者老無齒青螺髻子旋頂光紫金卍字沁肌理如聞獅吼震動聲法界續紛雨香藥吳生畫筆蓋有神謝赫姚最那堪比元精直貫雀明王餘力猶勝龍眠李大李將軍王右丞南北分宗寫山水若令寫作如來像正恐莊嚴未及此自唐迄明八百年金剛呵護靈無已玉爐恆受旃檀香錦暉仍裝藏經紙我聞道子水陸圖今在平陽廢寺裏康熙詩人王西樵曾賦長歌盛稱美胡爲崇善訪此幀寺僧謝云已亡矣闖氛昔到晉陽城竟隨藩府同銷毀噫哉有明三百載恆與沙門作緣起北固和尚竟能兵西山老佛疑未死晚有隆慶李太后喚作菩薩競奇詭只餘一幅九蓮像供養長椿壞殿址唐賢妙蹟尙雲煙此像雖存安可恃不如太原鐵彌勒劫火茶毗終不燬何況一頌鐫墨王清河房璘妻高氏

前題乃王鼎丞觀察課試之題聞意主論畫再擬示諸生

曹顧陸張日已遠畫家一脈遞盛唐將軍金碧格明麗右丞水石氣清  
蒼曹霸韓幹貌人物猶遜吳生遠擅場蜀江千山揮殿壁洛廟五聖繪  
宮牆既工天尊復工佛彈指華嚴無盡藏如來趺坐師子座阿難迦葉  
侍其旁正眼慧運青蓮色舒臂神耀紫光手輪海印胸卍字廣長說  
法聽琅琅三十二相妙俱足千百五衆肅成行文殊師利合掌白橋陳  
阿若兩眉長一切無漏阿羅漢雷音海潮震十方下列比丘優婆塞龍  
王鬼王夜叉王靈鷲森森上下顧怖鴿翱翔左右翔兩散萬花貝多樹  
煙飄千穗旃檀香八流環繞水功德五色迷離雲吉祥觀者如生極樂  
界歡喜讚歎不可當奇哉前輩真能事不知幾日方成章晉中佛畫凡  
二本一在平陽一晉陽習聞崇善老僧說賜出明代晉王櫛非徒妙蹟



酌古德實爲冥福資高皇身居人上崇佛事北有姚秦南蕭梁此舉瑣  
事無足論此畫絕作試評量筆底精心通道妙篇終元氣接混茫直與  
菩薩爭慧業那能弟子傳芬芳衣鉢千年得髓少宋惟伯時元子昂十  
洲祕戲劇褻瀆兩峰鬼趣太披猖便有老蓮青蚓輩每畫盜魁志亦荒  
水滸爭快戲可知古人誠難及初時命意已堂堂神品不知今何在能購  
何惜千金償非學沙門瓣香供只同宋殿古錦裝得暇有緣開玉蹊歷  
劫不壞同金剛

衛靜瀾中丞課試晉陽書院有晉中景物四題擬示諸生各二  
首

三門激浪

陸在平

莽莽黃流萬里奔龍門甫過又三門桃花春漲殘冰裂瓜蔓秋深孤月

翻輪坂浪淘虞虢去漕倉址溯漢唐存於今盛世陽侯靖古治何須勇  
斷龍

河流東注劃乾坤闔天開日月昏石裂黃熊神禹鑿濤驅白馬巨靈  
奔洪波廣受千川注砥柱孤撐三晉尊天下巨觀何所似臨江龕楮庶  
同論

五臺連雲

在  
縣五

法王趺印偏中臺杖策登臨實壯哉光擁佛頭山北向法流龍頰水西  
來六時梵唄禪堂課百寶輪將屬國財自古清涼稱聖境薺葡今日幾  
花開

佛月光華澹不搖曼殊聖境矗層霄千年古雪明馳道百尺飛虹現彩  
橋紺宇花園龍象吼陰崖松擁鬼神朝宵來恍夢稱檀越煙穗三生迄

未消

冽石寒泉

曲在  
編詩

知是人間第幾泉  
松根草際日濺濺  
崖開石罅千珠迸  
井受天光一鏡圓  
廉讓終依鳴犢廟  
神靈遙合起龍淵  
管涔神劍殊多事  
獨守清冷不計年

遠望雲根點數星  
近尋山脚一泓渟  
懸流瀑曳千條練  
落井風搖九子鈴  
側石熊蹲披碧蘚  
圓波魚咬破青萍  
何當謝棄人間世  
漱齒晨繙貝葉經

蕊羅春色

曲在  
編詩

蕊羅孤秀崛巒東  
山隔城闌入望雄  
芳草仍沿隋道綠  
桃花直接晉祠紅  
酒旗蝸屋三春雨  
油壁羊車九陌風  
莫向游人談險塞  
霸圖銷歇禁

煙中

峰攢嫩蕊研輕羅大好嵐光浸黛螺萬竈煙清寒食節千村鼓間太平  
歌聽鷓鴣花底紅飛榼叱犢秧邊綠上蓑卜築秀容良不遠繫舟山下素  
心多

題馮習三廣文詩集令息佩芸夫人婉琳屬題也四首

亡編 友琳 洪

文淵 探靈 今茲 燭靈 居舍 人

寒山秋水各成家又見枯梅盡著花

句集 中

七葉人人俱有集方知大樹

富奇葩

代北詞人盛道光魯川詩筆獨堂堂官階雖遜才名並馬磨甯輸許子  
將

六十論詩工別裁老來技癢語無乖

絕集 中 有 論 詩

留將玉尺傳誰子合

有衡量天下孩爾上官昭容天生編日孩母曰問是

磨笄石畔女郎祠閨秀而今又在茲浪說山陰暎然子王凝之妻謝道韞

幾聞傳得乃翁詩

武養齋借得宋揭婁壽碑雙鉤見示因題四首

題額元儒作易名東都處士善蜚聲文中貞曜紛紜起作俑誰知在憲

平之類始元文範先生類在共錄以庶漢人或有私意

三世顏嚴蔑以加春秋家學薄浮誇征南未出劉歆死貧士應歸賣餅

家

彷彿鷗波小印存此本末有斯人詎解隱衡門碑中倘能微學元

儒節何愧天潢安僖孫

祠堂徧畫忠賢像武梁碑石室全雕祥瑞圖武氏石室持此雙鉤填廓

筆何妨盡搨武家書

養齋因余詩故盡撫祥瑞及畫像爲跋長句

漢碑多者惟孔林其次吾楊及武氏武宅山頭斷碣紛開明榮班世濟  
美石室瑞圖文吉祥祠堂古賢畫奇詭一礎別存榛莽中題作宣聖見  
老子此闕直錢十五萬孝子用以享考妣因是頗笑南北朝競造佛像  
結歡喜先漢去古良非遙法物堂堂宜難毀仙吏嗜奇勤搜爬盡滙家  
碣萃一紙敝帚猶然享千金此本萬金更不止

擬杜秋興五首

陳士方題

西風瑟瑟動南天每望京華一泫然白髮江湖三成雪素秋雲物五陵  
煙招魂乍覩楓林落作客長看菊蕊妍暮色蕭森巴子國山城雉堞此  
何年

支離一病臥夔關萬里風塵兩鬢斑亂石草深魚復浦殘陽樹隱麝香  
山百年戎馬天方蹙三峽吟猿夜未闌永憶中書簪筆日縱橫老淚獨  
潸潸

曲江一曲草如煙皓齒青蛾記滿船楊柳高樓春旖旎芙蓉小院月嬋  
娟孤臣去國天心醉老病依人地主賢屈指少年歌舞侶隱囊紗帽幾  
翩翩

始皇當日鑿昆明高駕戈船治水兵金狄千秋依北闕羣駝一夜滿西  
京青槐夾道羣嘶馬紅藕飄波尙拂鯨畢竟秦中王氣在無須哀感賦  
蘭成

驪宮佳氣接終南樹裏皇陂浸紫嵐丹鳳東來阿母輦青牛西駐聖人  
驂和詩左掖宵鐙朗賜酺昆明春酒酣今日溪蠻同溷跡髭鬚密篲兩

鈔紙

景龍觀鐘銘歌爲養齋大令作

玉匣繭紙入昭陵雉奴潦倒書品能老狐瘦金亦奇絕生兒不愧祖武  
繩相王飛白曾一見太子誰云僊可昇立意止媚控鶴監磬說無識到  
今稱我云鐘銘推弟一隸法入楷媚藏稜縮頭體乃如春蚓入骨筋尤  
比秋鷹中宗崇道作宮觀悅婦勿乃類裂繪及帝卽位尤贖贖踵事更  
復有所增當時黃氣生爐鑪至今綠繡隱峻嶒金器出土世所貴後貌  
鏡子雁足鐙况此大鐘應無射鯨工鳧匠共作朋正書三百古秀絕蒲  
牢聲發龍氣騰四欒法天乳象地地平天成聖主興帝之鑄鐘豈解此  
女謁宮室坐相仍摩挲此本三歎息聽鐘思武非所勝只合案頭作文  
翫尋常一紙刻谿籐



題歐陽詢虞恭公碑爲毛寔生學博作

武庫矛戟穎森森信本正書字千金醴泉化度並奇絕妙蹟第一溫大  
臨行行不肯排算子筆筆正欲度金鍼羚羊挂角迹雖滅驚蛇入草法  
可尋君從何處得此本氈椎歲久墨光沈翻雕未被曾滋蕙恒未有曾裝

池原出梁蕉林

前有風定

金壇王氏書名盛始知從此入法深

王中有

印并諦觀神物久聘貽舌插不下口欲瘖邇來館閣成結習規撫勃海稱  
宜今側豔合上金陵腿剛態誰識鐵石心聞君工書富藏弄近有韭花  
遠來禽旣得妙搨能寶貴莫令煤尾坐生蟬他時得髓可名世豈止蘭  
臺稱嗣音一鐙青熒題詩罷黍羅世界夜橫參

游恆山詩

樂謝康

是日澄霽引望神尖陽林耀葩陰岡停素此心飄然已在山

麓矣

山恆見山廣又名地神

曰余樂青山積載成淹滯解組期轉迴披圖志逾銳鬱鬱紫岳峰陁峴  
構靈慧嶺拔摩蒼穹巖列朝黑帝仙者闕清都隱淪駐末契丹房疊紅  
鷲銅磴散芳蕙夢游緬無像翹望陰霾霽異花媚人外古雪劃天際增  
嶂排修鱗羣松柳雲髻懷新料多奇鼓勇攬大勢杖策裹餽糧明發謝  
再計

言入雲路陟琴臺昔有二鶴化爲美人舞斯臺上已而拊落  
霞之琴歌清吳春波之曲四崖響答山虛水深

謝公足佳游宗生秉微尙嶽圖既歷四履齒仍餘兩茲辰嘯侶儔高興  
追天放日出空翠明千霞非一狀竹疎繫馬進苔滑連臂上數武陟琴  
臺萬巘環青障緬昔操縵人天際動高唱理深泉欲凝聲遠雲如漲並

嘯青鸞吟 初迴白鵝舫 斯人已千秋 餘韻留丹嶂 神女化鶴歸 兩忘人禽相 莞爾語山靈 灑然齊得喪

翠雪亭下萬松翳 礪虎峰風至颯然而已

徑仄誠知勞谿迴 未覺遠鬱鬱 碧松林橫掩石梯 斷挽鎖陟增巔茵 閑張如織蒼耳鋪 坐茵綠荷解包飯 澗溜寒漱齒餐餘 稍僵蹇午際涼颯生 萬松仰復偃 碧雲渟不流 翠蓋紛欲踈 方夏白袷單 未雨黃塵散 五粒拾花香 千鍼摘葉短 中峰勇欲登 斜景戀忘返 坐久乘夕涼 松下躡鹿瞳

嶽廟北崖壁立萬仞 鑿石架木構樓崖半是日懸空精舍

蜃樓事匪經 貝闕語多襲 誰信華構奇 無根空際集 維茲懸空寺 經始由孰葺 畫棟樹杪橫 丹梯石罅入 翹頸欄如危 蹋臂級堪拾 窗戶摘星

明衣裳蒸霧溼高鳥迷俯瞰真宰接平揖九煙羅南州五雲攬京邑大  
哉造化偉神尖古巖岌臥游世轉低高唱天通吸禪望典久訛朔巡瑞  
此輯昔事晦成空佛舍乘空立

做元遺山論詩絕句五十首

惠論山人

鎮東忠義欲匡時一表魂飛司馬師記得嘉詩酬杜摯哀鳴鳳鳥繫人

思

田郎倫有所思嘉詩亦原詩風中語類也

蟲魚注罷薄雕蟲不道游仙語倍工經術湛深詩雋上千秋只見郭河

東

郭

磊落英多數子荆無妨惡劇學驢鳴若論零兩被秋草百鳥喧時鶴一

聲

楚孫

蘭亭墨妙筆尤工亙古無人與角雄誰識永和修禊日先詩後序有興

公  
持孫

百升明月劇英雄健將能詩有乃公  
敕勒牛羊千古調南朝競病恐難

同  
金解律

女郎袷靚太紛紜豔到齊梁詩可焚  
絕代高情柳文暢亭皋木葉下秋

雲  
憚柳

魏收工賦傲溫邢只有中書賦豁情不意恃才  
驚蛺蝶能令對酒憶公

榮  
論 傲 伯 茂 詩 曰 伯 茂 有 卷 辭 情 賦 茂 工 卒 後 魏 收

裴佗文季六男兒  
酬答徐陵有讓之為誦五郎公  
讌作誰云不及乃兄

詩  
訥 裴 之 讓 之

雁後花前名士題  
吟成昔昔恨長齋  
微辭自是瞋魚藻  
佳句空云妬燕

泥  
薛 遜

唐初將相盡門牆有弟偏思隱醉鄉餘事作詩猶矯矯東臯集合冠三

唐

魏王

閒雲潭影詠滕王綺麗獨先盧駱楊水府效靈消受得一帆風送到南

昌

勃王

鸚鵡須令振翼雙宗臣一語定家邦賦詩摩厲鄭丹刃何事今猶刻石

淙

傑狀仁

錦袍應詔幾人工少保詩篇獨古風一首陝郊留異日尙能傾倒浣花

翁

潘

翠華春幸到昆明一代才歸女子衡至竟夜珠明月語精神十倍沈雲

卿

宋之

魂如厲鬼髻如神聞笛高吟虜馬屯萬古睢陽城下路陣雲邊月不成

春

巡張

詩中有畫調無絃學佛真宜住  
輞川解識維摩祖師語漁洋殊得指頭

禪

補王

幾篇宮怨韻條條不讓青蓮獨自超  
今日太行嵐翠滿茆亭花影憶龍

標

齡王昌

藍田游侶秀才名綠野詩懷聖相清  
畢竟菑鄉多作者又聞觴詠岷山

亭

均據有遠岷山琴度詠又據

春風不度玉門關雋絕三唐誰可攀  
千古豔稱紅袖拂爭如絕句唱雙

鬢

漢王之

元凱從來作美談多才不僅號多男  
誰知秀氣河汾聚兩見王家珠樹

三

王王之勃兄弟及

涿涿河流入斷山山河兩戒此迴環朗吟鶴鶴樓頭句逸氣飄飄天地

間

當補

誰妄言之誰妄聽故將韋柳兩相形漁洋不識唐靈運真賞終輸野史

亭

柳宗元柳州案元道謝山詩自

鄙論從來出腐儒頗嫌白傅負姑蘇懷民憶妓衡多寡曾見香山樂府

無  
易白居

生紙紅描金鳳凰太平萬歲頌吾皇宮詞百首誰堪比合與仲初稱二

王

王

鵲喜蟲吟格律高邊情更賦寄征袍回刀翦破澄江色佳句真將掩法

曹

說

早聞一箭取聊城老去逢人說項生古有齒牙譽孔顛憐才同此發丹



誠源巨

輕薄嗔人太，踈羈金荃浮豔玉，谿桃千年論定，功臣在顧秀野同程午。

橋李溫 謝 釋 坊

耿淖秋風動禾黍，盧綸大雪滿弓刀，兩君同出河中產，筆挾洪河萬丈。

濤盧 綸

墜笏朝堂偽失儀，吟成廿四品尤奇，王官谷裏唐遺老，總結唐家一代。

詩謝 空

可憐元載負賢妻，大似歐陽與介溪，何物胡椒八百石，遂忘掃路兩相。

攜元 載 謝 太 原 王 燾 秀 入 詩 曰 謝

約指銀鉤彈落雁，搔頭寶髻詠佳人，漫因綺語輕溫路，著手能成天下。

春文 彦 博 公 詩 次 句 馬 光 用 溫 公 詞

禿節蘇卿五字工堅貞司馬頗相同遺詩弁冕南冠首不愧忠清涑水

風降明敷馬授朴以終案元朴好字問文申季州夏集縣人南文正冠五顯人子以使朴金被留不

皓首丹心倔強名豐公氣壯本神清杏花吹盡東風緊何減梅花賦廣

平

邱濬猶容桑悅安雷淵卻忌李汾能館中猶有李欽叔屈宋衙官總不

勝粉雷李獻龍李

南山翁後得雲卿京叔歸潛老更成獨孕恆山千古秀史裁詩品一家

清益劉曾攝保及攝從

太原常與合河劉數歲齊名麻九疇五字詩成天籟發神童何意萃并

州常夜濼放壽光四歲劉滋六歲詩云我有一卷經不用筆寫成日老開無一字

繫舟山上探薇餐野史亭中削竹看三百年無此作矣閒閒公外解人

難元好問

郝氏文章接祖孫裕之師友互淵源科名何似詩名重試問陵川七狀

元郝天經及孫

范揭虞楊何足論豪如太白麗如溫中州萬古英雄氣又產才人薩雁

門薩雁

立誠仍不廢修辭盡識文清百世師誰見河東三鳳集晉溪虎谷白巖

詩許字壇號曰又河王東三鳳集

巢雲文谷並清新四海論交謝茂秦愧殺登壇王李輩名成不認眇山

人孔幾天邦尤奇

真山奇古壽髦工綽有太原王霸風父子齊雄四家選霜紅知己在丹

楓傅山戴廷斌子眉

漁洋聲望盛康熙進御常同午壁詩聖祖知深頻下詔積詞累句幾能

窺句陳即詔中語末

金鵝館集本無暇苦被河間諺柳葩品隲終推秋谷切蓮洋詩格如蓮

花吳聖花為柳紀文途讀我山運洋批

玉崑崙碎為檀超韻比阿龍舊句調多少長安苦吟客平陽蔣五擅詩

瓢錫將仁

汾水綿山二妙存何劉佳句動隨園風流更有張風子細雨騎驢度劍

門何道川生羅聘為揚五張風子張道園改

天南萬里失勞臣閨裏能宣撫字仁傳得午橋詩一脈女公子與少夫

人各費有詩錄卒簡齋南巡稱撫之任探所入詩典話

四山人後一容齋衣鉢流傳竟有涯豔雪樓中師友盛松溪荔浦總清

佳

城介 類休 管四 李山 驗人 廷及 君茹 倫常 及子 厚

經生詩調每鉤翰老學工吟得石州死擬青蠅為弔客一人知己射鷹

樓

詩類 話補 錄 石州 林氏 先生 詩射 甚



楊漪春侍御奏稿目錄

請御門誓衆摺

請懲阻撓新政片

請釐定文體摺

効局紳賈景仁摺





楊漪春侍御奏稿

請御門誓衆摺

頃歲自安南失緬甸亡琉球滅朝鮮去屬國已盡遂翦遼臺近乃割及膠州旅順大連灣廣州灣九龍等內地其他練兵鐵路輪船礦產商務日朞月削我國權不能自主岌岌待亡此何時耶幸而皇上聖明考察時勢明定國是知守舊之誤國以開新爲宗主可謂神武天縱首出庶物者矣使當甲申甲午後爲之自強可立致及今乃變以大勢論之實已太遲故必如救火追亡被髮纓冠猶慮不及而大小羣僚泥於舊習不深維地球之大變通考萬國之比較不內思吾國無兵無敵無艦無塢無學校無財賦無製造無商務之故一有敵患拱手待亡恐懼震惶毫無一策聽客所爲坐受束縛及邊患稍定又復空腹高心端坐諷議

與論危機彼以爲故甚其辭與論新政彼以爲大叛吾教究之五六十年來與外國交涉有所爭則不得要領有所允則頓伏隱患良由士大夫皆不明時務實由不多讀書不勤訪問事過則偷安事急則冥行孫堅責王叡之罪曰坐無所知正此輩之謂也今既奉上諭明定國是而守舊之徒迂謬指摘日夜聚謀思變亂明旨或仇視開新之人思顛倒是非造作謠言以惑聖聽臣不敢謂此輩不忠要由闇愚不知大局致之然闇愚如此足以亡國有餘五十年來其已事矣夫舉朝如此皇上一人欲更新庶政將與誰共爲之哉上諭驟下則稍悚動過數日則忘之又數日則詆譏復生又數日則聚謀變易之矣天下岌岌衆論沸沸臣愚覩此竊用隱憂恐維新之徒託空言而自強之不可望也臣日夜思慮爲我皇上籌之蓋皇上未有大誓羣臣之舉大施賞罰之事以悚

動觀聽也夫數百年之舊說千萬人之陋習雖極愚謬積久成是誠非  
一二言所能轉易也故古者有大誓之義書有甘誓湯誓泰誓牧誓費  
誓凡有大事大政皆集羣臣大衆誓之以革其面而易其心此吾先聖  
之大法經典之大義但承平累世忘之久矣夫王者之於天下非能以  
法令臥而治之也必有雷霆以震其鬱風雨以散其氣而後萬物昭蘇  
人有生氣也乃者上諭頻下人人動色其效已見比之疇昔之怠惰廢  
弛固有間矣我朝自世祖章皇帝開創百度聖祖仁皇帝世宗憲皇帝  
厲精守成其講求庶政猶頻御乾清門訓勵羣臣面相戒諭楚莊王所  
謂日誨國人教之以民生不易禍至無日戒懼之不可以怠也我祖宗  
所遇天下一統四海盛平御門戒勵猶尙如是况今所值之時危亡岌  
岌至於此乎若坐聽羣臣之迂謬亡國則已若猶欲維新圖存也非有

大誓羣臣大施賞新罰舊之舉不可也伏乞皇上採先聖誓衆之大法復祖宗御門之故事特御乾清門大召百僚自朝官以上咸與聽對布告維新更始之意採集萬國良法之意嚴警守舊沮撓造謠亂政之罪令羣臣簽名具表咸去守舊之謬見力圖維新其有沮撓詆諆首鼠兩端者重罰一人以懲其後必使羣僚震動恐懼心識變易然後奉行新政力圖自強一日之間風雲俱變更月得數詔頻下則海內咸動色奔走矣若皇上有日月之明而無雷霆之震臣未見其能行也臣爲大局危急起見謹具摺瀝陳伏乞皇上聖鑒訓示謹奏光緒二十四年五月初十日

請懲阻撓新政片

近者伏讀上諭明定國是停廢八股明守舊之迂謬定改絃而更張國

是一定則天下爭講維新之政八股一廢則士人爭爲有用之學有此  
二次詔書則天下想望以爲自保有基外國動色以爲自強可望此固  
皇上聖明高出諸臣之上亦由祖宗積德累仁而有我皇上此舉也然  
臣聞守舊者安其所能保其所恃忘國家之大患狃習俗之陋風議論  
洶洶聚謀鼎沸冀幸我皇上持之未堅意圖恢復或言新舊之不宜分  
明危言聳聽或言八股之能闡義理飾說欺蒙大僚中舊習更深亦多  
樂爲助力者雖以皇上憂憤危機深籌全局審之甚熟見之甚明必非  
守舊迂謬之說所能疑誤然外廷旣漸萌此論不可不預峻其防深恐  
彼等言之有故持之成理稍不加察卽售其欺伏乞皇上遇有此等迂  
謬奏章嚴加申飭明降諭旨著其阻撓之罪重則立加褫革輕則薄示  
罰懲飭刑部定律凡有復言更易國是規復八股者科以莠言亂政之

罪使無識自是之徒不敢輕爲嘗試然後天下悚動人人皆知我皇上變法之堅決策之明爭自濯磨以副聖意蓋數百年之謬論千萬人之積習藉皇上一人雷霆震動以轉移之若精神之運稍有未周疑似之間微有不察則羣言叢與國是搖奪八股復昌新政不行人才愈涸方今國勢岌岌救焚拯溺尙恐莫逮豈堪此輩再誤哉皇上實亟欲變法自強則何愛此偷安迂謬之徒而不爲懲一警百之舉耶臣爲時局至急衆論未定起見區區愚誠伏乞聖鑒謹奏

請釐定文體摺

竊自取士之法未善用非所學學非所用制藝帖括削磨人才因有建議欲變科學廢四書文者臣竊惟制藝之科行之已數百年沿襲至今適承其敝若不思變計固無以得人才若驟更成法亦復猝無善策嘗

統籌利弊熟計重輕以爲非立法不善之爲害而實文體不正之爲害也故欲求真才必自釐訂文體始查經義之體肇自宋代因文見道意美法良宋人之文傳於今日者如王安石蘇洵蘇轍陸九淵陳傅良文天祥諸大家類皆發明經意自據偉論初無代古人語氣之謬說無一定格式之陋習故觀其說理可以知其行誼觀其發論可以知其經濟有本有文體最善矣明世沿習既久防弊日周於是創爲代聖立言之說謂不得用秦漢以後之書述當世之事奪微言大義之統爲衣冠優孟之容誣已說爲古言侮聖人而不顧於是束書不觀爭爲謬陋文體風俗之壞實自茲始有明中葉以後始盛行四股六股八股破承起講之格雖名爲說經之文實則本唐代詩賦專講排偶聲病如宋元詞曲但求按譜填詞而蕪詞譚言駢拇枝指又加甚焉以經意論則無所發

明以文體論則毫無取義格式既定務使千篇一律稍有出入卽謂之不如格是以習舉業者陳陳相應塗塗遞附黃茅白葦一望皆同限以三百七百之字數拘以連上犯下之手法雖胸有萬卷學貫三才者亦必俯就格式不許以一字入文其未嘗學問者亦能揣摩聲調敷衍講章弋獲巍科坐致高位是使天下之人相率於不學也今夫國家設科舉之意有二一以鼓勵天下之人使之向學以成其才也一以試學者之才不才擇而用之也今用此種庸濫文體既使天下相率於不學而人才之消磨已十之八九矣苟有一二自拔流俗者則其才華學識不能發見於場屋文字之中偶或發見則以不合格黜之然則使衡文者究何所憑藉以別擇其才不才哉故用今日之文體其弊亦有二能使天下無人才一也卽有人才而皇上無從知之無從用之二也更有甚



者各省歲科童試縣考府考院考多出截上截下無情巧搭等題割裂經文瀆侮聖言律以祖制咎有應得而各省沿用毫不爲怪此種文體惟講手法不顧經意起承轉收擒釣渡挽其法視文網爲尤密其例視刑律爲尤嚴遂使天下百千萬億之生童日消磨精力於此等手法之中舍織仄機械之外無所用其心恐有旁鶩而法因以疏也舍串珠類腋之外無所用其學恐有博涉而文體因以雜也夫天下之士子莫多於生童也盈廷之公卿皆起自生童也而其用心及其所學如此驅天下有用之才而入於無用之地一旦而欲舉以任天下之事當萬國之衝其可得乎今夫四書文之所以足貴者將使人讀書以明理窮經以尊聖也今截搭枯窘割裂破碎之題非以通經乃以蠹經代古立言優孟傀儡之體非以尊聖乃以侮聖故臣謂立法不善之爲害而文體不

正之爲害也請特下明詔斟酌宋元明舊制釐正四書文體凡各試官  
命題必須一章一節一句語氣完足者其制藝體裁一仿宋人經義明  
人大結之意先疏證傳記以釋經旨次博引子史以徵蘊蓄次發揮時  
事以覘學識不拘格式不限字數其有仍用八股庸濫之格講章陳腐  
之言者擯勿錄其有仍入口氣託於代聖立言之謬說者以僭妄誣罔  
非聖無法論輕則停廩罰科重則或予黜革如此則觀聽一新人務實  
學有經義取士之效而無其弊矣夫因文體之極弊而並欲廢四書文  
者過激之說也因四書之足貴而並袒護今日之文體者不通之論也  
正文體乃以尊四書變流弊乃以符舊制其爲事至順其圖變至易其  
所關至大其收效至神伏乞斷自聖衷卽降諭旨布告天下咸使聞知  
似於維持正學培育真才必有大裨臣愚一得之見是否有當伏乞皇

上聖鑒訓示謹奏光緒二十四年四月十四日

劾局紳賈景仁摺

竊古聖人深戒小人之勿用小人者見利忘義上不顧君父下不顧物議得隙鑽營遇事把持稍拂其意又必倒行逆施大肆厥毒而美利終不能興山西之設商務局也以自開礦務修鐵路爲要事祇以局員非人遂致有害而無利撫臣胡聘之初調之紳士除赴官及抱病外到局者惟刑部郎中曹中裕一員其性柔懦而詐因人始能成事至續調之國子監學錄賈景仁則桀黠跋扈利欲熏心自未經奏調之前業已入局辦事曾赴外縣勸集股本乘勢脅取祁縣富室喬氏之婢爲妾兼之氣餒凌人各紳富望而生畏而股本轉因以難集逮奉調入局乃竟拉同嚴旨降調之方孝傑至晉力保其承辦鐵路撫臣想亦知其劣迹初

不允許而該員爲之百計斡旋出死力以營護凡他商具呈領辦者俱遏抑之使不得達卽以同局周玉麟能爲局中自借洋款六釐息外不索股分視方商之款甚爲有益乃亦遭該員阻撓而去夫衆商雲集本可擇利益較多者而用之及俱被擯絕而祇留方姓一人撫臣雖不願亦無可如何矣及劉鶚來晉攬礦初上稟而撫臣駁之一經諂附該員遂得不勞而定近日籍隸晉省京官具呈請都察院代陳所定章程之不可而方劉二商奉旨撤退而終不曾明指該員之劣迹其實二商雖退而該員尙在局則所汲引者仍如前也詎意該員近以會試來京乃敢明露強悍聲言二商雖斥終當極力引還夫該員之心不過貪圖所許股分之厚可以盡量中飽而遂謀翻明降諭旨之案彼其心尙有幾微知尊皇上乎且該員乃祖乃父俱讀書筮仕今雖皆謝世而其叔父

工部主事賈璜現在初不以其所行爲然彼家庭之曾否勸誠與該員之有無挺觸外人固未得而知而賈璜固公呈列名之人聞該員議論謂其叔父又何能爲彼其心目中亦豈尙有其叔父乎臣所謂不顧君父者固非深文周内言之也至合省京官初未明指該員之貪橫而俟其警悟則局事尙可漸臻善美詎該員在局內挾妓酗酒揮霍宴樂及至京而負氣恃強未與一人言及轉圜之理酌改之條直欲各現神通扼衆人之吭而使之噤不能言旣勝朝官則小民愈易欺凌矣風聞該員於原定潞澤二府平孟二州縣外又欲將太原平陽混入章程之內臣所謂倒行逆施美利終不能興者此也臣意撫臣初奏調時未必料其跋扈至此此事實不應中止而此人萬不可姑容合無請旨卽將該員撤退并請交部議處以儆官邪而維局務至該局接辦需人可否由

精  
神  
牙  
骨  
牙  
骨  
精  
合省京員公舉詳慎練達之人以期有裨時局臣愚昧之見伏乞皇上  
聖鑒訓示謹奏光緒二十四年閏三月十三日

楊漪春侍御奏稿終

康幼博茂才遺稿目錄

致口易一書二首

與金蓮珊太守書二十七首

題潘蘭史獨立圖

馬嵬驛





康幼博茂才遺文

致 易一書

南海 康廣仁幼博

易一吾兄足下書悉承以人心未一大事難成相告誠是也弟此次三月來京其始專爲卓如病以伯兄愛之故弟護視其病萬里北來亦以卓如固請不能却之及卓如病痊則國事支離紛乘沓至始則割旅順而鼓各方上書繼則開保國會而收集各省同志皆伯兄主持之伯兄書則講學接見人士日以數十戶外履滿夜則代草奏稿鼓言路及能上摺者上言及四月伯兄召見後上奏及見客益忙夜又改定法蘭西革命記突厥削弱記波斯分滅記因頻奉上命索取故弟須一切照料書夜商榷伯兄草文皆夜深高臥誦之於口而弟筆之於書其有宜商者卽弟與辨議卽寫成摺夕上而朝行故弟亦忙極不能行伯兄規模

太廣志氣太銳包攬太多同志太孤舉行太大當此排者忌者擠者謗者盈衢塞巷而上又無權安能有成弟私竊深憂之故常謂但竭力廢八股俾民智能開則危崖上轉石不患不能至地今已如願八股已廢力勸伯兄宜速拂衣雖多陳無益且恐禍變生也伯兄非不知之惟常熟告以上脊至篤萬不可行伯兄遂以感激知遇不忍言去但大變法一面爲新國之基一面令人民念聖主以爲後圖弟且夕力言新舊水火大權在后決無成功何必冒禍伯兄亦非不深知以爲死生有命非所能避因舉華德里落磚爲證弟無如何乃與卓如謀令李苾老奏薦伯兄出使日本以解此禍乃皇上別放公度而留伯兄真無如何也伯兄思高而性執拘文牽義不能破絕藩籬至於今實無他法不獨伯兄身任其難不能行卽弟向自謂大刀闊斧蕩夷藪澤者今亦明知其危

不忍捨去乃知古人所謂鞠躬盡瘁死而後已固有無可如何者兄在遠不知情事易於發論倘在此豈能遠遁若能遁則非人情又何以爲人固知爲志士仁人之不易也嗟夫易一相望若何追思昔者風月嘯歌攜手舉杯縱談山河今嬰國事如陷阱羅書不盡言復問舅福溥言

又

易一先生足下昔在澹如樓中與兄日縱談天人七檜園中拾落葉以煮茶步明月以臨水倚闌笑語其樂無量吾輩自得自證無所願於外即使黃金徧地亦程子所謂堯舜事業如半點浮雲即使有大砲破裂地球亦不過諸天中飛落流星一點雖與同盡亦何增損哉伯兄所自得常以顯微鏡推物小大至於無窮小者不足以盡至微大者不足以窮無極故輕萬物齊得喪而歸於現在無如其不忍之心何兄與引伸

至恆河沙無量數不可思議相與俛仰天地可謂極哲學者之至樂矣  
近閱歷南北見人至多然通達天人誠無如吾門若文道希博極羣書  
以此自驕然實亦爲圖舖餒來耳湖南某太史辨慧甚惜流轉如丸吾  
鄉某太史者以名節自命然所謂名士畫餅者耳所見名士之最者不  
過爾爾昔陳慶笙好學者然昔與談歐美之故乃茫然此今之第一流  
矣伯兄思雖高妙而辦事拘文牽義而其志又太高大恐推行多阻卓  
如熙熙可人行事如嬰孺性多流質將奈何孺博寶器內藏人不識之  
伯鶴定慧金剛若燃燈古佛但恐面壁不恐下山耳餘子無可言人才  
鮮少橫覽可欷兄謂自窮理以來有無限之全權諸天出入視我悲喜  
白沙所謂泥塗軒冕緇塵金玉者抑何淺也弟亦得此在心閻閻操縱  
所慮離羣索居入人間世與接爲構日以心鬪縵者害者惴惴縵縵莫

使復陽則有失之者耳僕之涉覽雖不若諸公然其自信假使鐵輪頂上旋定慧圓明終不失惟兄能知我信我望時惠嘉言庶幾起予敬問動定溥言

與經蓮珊太守書（康君時在上海與經君創辦不纏足會及女學堂）

今日復上一書想督收頃奉到惠札及杭函備悉一切中國風氣未開內地誠實之儒外間迂曲之子不以爲然不知幾許原可置之不辨不纏足會且有以爲不然況聚女子集於一堂乎將來罵者必有其人欲止謗惟勿辦耳既有公命當擬稿兩日間送上俟復乃發報

又

手示敬悉曾函當轉交滬報函與之辯論無甚益處擬衍一論交新聞

報刊否聽之此等日報下流無識實不足與較以爲然者雖日報言不可亦然之以爲不然無論矣一言歸之朝廷科舉誤之無傷於女學堂焉頃間當過訪希珍重

又

示敬悉似先與曲江商使其作主爲是蓋彼與朱謀之不得必有憤心今由其撥出女學堂似亦冠冕俟明早晤商稟已脫稿屬抄正今日擇一日舊案也徵明實非篤實一洛亦極聰明見識與大欲相去不遠可借卽借之爲用耳曾誠大通而惜爲嗜慾所蔽最可惜也□□□□則較二君而相去遠矣開前味一國之人才如此豈不可惜可嘆耶

又

今早奉誦惠教令承不棄所感無量欲辦事自以陶鎔異己爲要着陶

鎔之自當以有力而無氣爲上才也昨剛與友人談德國據青島事隨復尊函蓋氣尙不養也公與卓如轉待鶴書昨晚細讀仍似實事略多未送其餘家兄書及卓如書公廿四惠書各件昨晚統送待鶴矣餘俟面陶齋指爲洋票收施銜已列入點石中鄭銜卽送不知能否耳張復書亦云感冒陳則必到

又

今早示并悉抽印件亦收捐冊十本送上此稿抄二分謹送復昨晚能否將與蔡觀察所談交報館刊之也昨日弟於稗文女士處行時將所記列瑣瑣一紙并有西國各女客名以無華文故交鍾若彼取送公處是原紙乞留出擲下蔡道太太肯來否

又

剛覆一書想達覽桂君閱女學堂文件少有斟酌已一一細心校勘既  
畢繳來今謹奉上或俟積之到再為覆閱今日報中所刊上諭有變科  
舉之基可為欣喜此皆常熟虛心講求而得蘇人勿謂不可用江建霞  
亦其一也昨日與江電卓如此電已覆云教習超信請則昨電已收此  
電是覆昨日之電者想未細閱故公覆電聞江建翁電候覆也然否

桂是

桂赤伯萬志江好學德江化人舉人後以佛學名龍是辦龍女澤學厚積

又

凌君及各位幾時能來現事既已發揚似不可久待久恐變生乞速之  
新聞申報館有復信否原可置之不問蓋維新之人不能為彼等一論  
所動守舊之黨報館雖極恭維彼亦不然之故可置之惟與其多一異  
己誠不如多一相助之人試陶鎔之若彼不歸服則維有聽之而已



黃愛堂已來謝過步昨日又來拜弟未見之以衣冠匆促不便不知有何事日間擬往拜之并探其女學消息也

又

凌夢周 東甯 沈希椿 陳先修 周萬鵬 孫廷璋 嚴大鐘

今早兩示敬悉諭內名字已前六名是文學士住四馬路鼎陞棧不請

酒亦可耳

行大不約及明事日必

京稿今日擬成送上以此恐不暇相過担文請

酒當遵告張君告知補添

又

此事細思似無不可成然能與張經甫一商尤爲省事蓋金陵試館既已絕望清丈局行文永不准賣故也既不准賣則事必不行今對說不必云凌已允當謂此地如果欲議建試館之人允撥歸女學堂則學堂

遇科致送三二百金義塾董若不允由此間另設法如此措詞似可得  
朱駿經甫之允矣兩造俱允則無可爭從容入道縣各稟亦無不可究  
以兩造允方洽心也頃得□□函謹奉此函尙無他然其見識議論  
曾文則相去萬里也晤李提摩太後晚間或可過談也

又

曾函已送粵電復必惠告國家多故甚念念今早張園之行甚暢主人  
翁頗欣欣致意亦大樂事也終日想忙陳敬如夫人所議規條昨日忘  
記送上其跋語請正之

又

手示敬悉月之九日爲家母壽日弟等少孤老母撫育勤劬今年已六  
十七矣始以伯兄出京南歸壽母弟可留此今一人不歸似萬難過去

日月相感思之彌用悽然學堂事獨勞吾公移玉令人不忍然弟歸必  
出且現船尙懸懸苟兩日內不能行則不行矣縱行數日必復滬萬不  
敢稍久也此間吳君弟明日十一下鐘當同其過訪暢言之幸勿過爲  
愴然弟於此亦無可相助也湯君與弟同經手女學事亦同來女學堂  
章程捐款等事弟與其共之捐未辦稟已發年將暮一切尙須少停然  
否

又

江已面見約明一點至三點再商請明日何時可暇到此約建霞談彼  
意仍欲請來也但商脩從何函不必却其意使其銳力籌欸何如

又

今日送上一書言西人回請各事者想收再查担文所請名單陳敬如

夫人想是陳太太弟匆匆不能無糊塗耳究此客單之來頃張君又謂陳敬如府中開來剛陳敬翁到談云西國各夫人或欲拜往或欲回請到彼處索客單正在內人以不知故屬來請教此單并不曉得并再三屬將各女客住址及名字開示弟以剛飛函公請示俟覆到送上是則此名單又不是陳敬翁家所開矣此非大要事惟有聽之候尊處示下即分送各處

又

弟今夕行十餘日即回滬或同積之來此十日幸捐未辦若工作事弟在此亦不能助此十餘日一切稍為少緩毋太急至幸至幸女學堂章湯君午間親送來已請其每日一到尊處矣

湯君行覽  
號頓  
號後  
名為  
中

又

手示敬悉早固慮及此請必靜養多日安心調理爲己卽所以爲人萬勿惶急急亦急不來也口苦切宜少食物件肚饑則惟蘇打餅干爲宜仁於醫不深而衛生道稍有留心者乞然之

又

送上信稿此函出於至誠故言之痛悉有不合處仍請公正之今晚不及過談矣

又

今日有要話欲過談而未暇故於票未交上至今尙未能相過抱歉無似票二紙謹上陳敬如今早見蔡和翁和翁乃有說男子許多未能讀書不辦而辦女學堂諸公以有用精神置之無用之事云云殊可駭人其餘不必問矣此等臭氣想是唐傑臣昨晚席上之餘波何前次言之

佳今日乃如是如是耶頃得北京函屬相候見各報深知公勇毅惟年  
內恐不能出京相助云云昨復一函未交今并補之以見弟之凡下

和

均即

又

今早以舍姪往日本清早出行歸道走謁適公有事留上北京來信想  
覽悉學堂事連日太忙公勞苦過甚非大且急者幸次序辦去勿使費  
神太過致有採薪之慮也積之來固大佳幸公電催之時務之席似是  
二十五金然非其所欲不過於滬無事姑就之耳梁龍各有短長未可  
甲乙定也閱歷梁固甚深但人各自有所謂輕重者在遂或異其憎耳  
來示并繳

又

示悉希夷夢歸粵當借之然恐不克行矣家兄住米市胡同南海館付  
信至此卽妥積之年內可到時務報論當屬歐君爲之梁徐皆不在此  
也歐文亦極佳

三歸  
水善  
徐歐  
勛梁  
甲

又

午後手書亦悉致杏城再稿此間當多抄一分乃付京湘也此復請德  
安

又

昨擬商量尊札而家兄謂陶齋與公交舊如此非如尋常之交不便責  
言若陶齋能過悔修好未必憚逆耳之言若渠不能惟媚悅以求之若  
不可得也應否照報之

又

奉書知公病少痊至慰致卓電亦悉房屋何時興作尙當小節其勞以養元神西藥考究精審中藥向無察驗漫然嘗試之遂謂然耳其理俟面言之

又

公南歸靜養望必三日乃可出頃得湘函送上同前耳望必日惠一書俾知精神何若也病從口入口苦是胃不能消化之病少食飯及干咸之品宜食蘇打餅干及易銷化之物至當不知公然之否幸推誠見信藥劑更以少食爲宜古人謂不藥是中醫近醫生於方劑藥性皆昧然無知若能就西醫似較妥速也

又

昨晚凌口議得如何此事無論如何亦惟有稍將就之以爲女學堂根



基而已女學堂事天下有心人所共許惟守舊太過者庶不以爲然耳  
今黃君漱六寫一信來議論頗有可採謹送上

又

示悉公今日又苦了一天且有認五百之捐二十日之期良可慮也然  
爲辦女學計只可如此應酬愛堂不知何如又過此恐亦未必能假我  
力也公今日何以不強其捐耶筆談件謹奉繳

又

手示敬悉昨夜九下鐘到貴局公已睡未敢驚動與待鶴長箋未有收  
回不審何故新聞報尙未見刊月結究能刊否遊戲報似不可也銀收  
票一紙附呈

又

兩示皆讀章程亦悉頃間迭復梁府辭昨晚弟始知之彼恐擾尊府過甚大會日必到云弟昨晚已勸其明日必到頃又奉來示當再告之其老太太廣東人不甚曉言語少出門不必絕之大會亦不能到卓如夫人必到也京函已付

又

昨日敬如到鄭公館敘章程再三問之謂已譯起惟須稍一過目乃送來買洋貨今已約兩打鐘同往不知能如約否若其失期三打鐘弟乃到尊處同往如何

康幼博茂才遺詩

題潘蘭史獨立圖

南海 康廣仁幼博

迢迢香海小闌干獨立微吟一笑歎我亦平生有心事好花留得與人看

馬嵬驛

鼙鼓震天十四載胭脂埋地一千年佛堂燈暗淒秋雨野驛花明泣暮煙天子莫將妃子保美人徒令後人憐將軍仗鉞何爲爾錦勒猶煩過客錢

右康幼博茂才遺文一卷詩二首元濟丁巳輯刊六君子遺集僅得其一詩閱二年己未長素以此卷相示亟補刊之海鹽張元濟謹識

康幼博茂才遺詩終